



22100055



International Baccalaureate®  
Baccalauréat International  
Bachillerato Internacional

**CHICHEWA A1 – STANDARD LEVEL – PAPER 1**  
**CHICHEWA A1 – NIVEAU MOYEN – ÉPREUVE 1**  
**CHICHEWA A1 – NIVEL MEDIO – PRUEBA 1**

Thursday 13 May 2010 (afternoon)

Jeudi 13 mai 2010 (après-midi)

Jueves 13 de mayo de 2010 (tarde)

1 hour 30 minutes / 1 heure 30 minutes / 1 hora 30 minutos

---

**INSTRUCTIONS TO CANDIDATES**

- Do not open this examination paper until instructed to do so.
- Write a commentary on one passage only. It is not compulsory for you to respond directly to the guiding questions provided. However, you may use them if you wish.

**INSTRUCTIONS DESTINÉES AUX CANDIDATS**

- N'ouvrez pas cette épreuve avant d'y être autorisé(e).
- Rédigez un commentaire sur un seul des passages. Le commentaire ne doit pas nécessairement répondre aux questions d'orientation fournies. Vous pouvez toutefois les utiliser si vous le désirez.

**INSTRUCCIONES PARA LOS ALUMNOS**

- No abra esta prueba hasta que se lo autoricen.
- Escriba un comentario sobre un solo fragmento. No es obligatorio responder directamente a las preguntas que se ofrecen a modo de guía. Sin embargo, puede usarlas si lo desea.

*Lembani ndemanga pa nkhani **imodzi** mwa nkhani ziwiri zili m'munsizi. Simukuwumirizidwa kuyankha mafunso okutsogolerani amene alembedwa m'munsimu. Komabe ngati mukufuna kutero mungathe kuwagwiritsa ntchito.*

## 1.

Tsiku lina, Lamulungu, tida tengana ndi Enifa kupita ku msika. Tikuyenda mumsikamo, tida fika pamalo pogulitsira nsomba zaziwisi. Mkulu wina adandipatsa moni kenaka nkudzampatsa mkazi wanga moni amvekere: "Moni apongozi."

- 5 Titachoka pamalopo, ndidamufunsa, "Tandiua Enifa. Kodi mkulu uja amati, moni apongozi, ndi yani? Ndipo chipongozi chake chachokera kuti?" Enifa adaseka. "Ukuseka? Ndikuti ndiyani?" "Inenso sindikuwadziwa. Mwina chifukwa chondionaona mumsika muno." "Siyankho lokwanira limenelo. Iwe kuno kumsika umabwera kangati? Kodi mumsika uno umapezeka mkazi iwe wekha?" Enifa adasekanso.

Kusekaku kudapitirira kundipsetsa mtima. Sindidasamalenso zoti tinali mu msika.

- 10 "Cheteka, hule!" Enifa adasiya kusekako. Adaonetsa nkhope yokhumudwa. "Kanthumbo, mpaka kundinena kuti hule? Ngati ndili hule, udandikwatira chifukwa chiyani? Kodi akazi ena amene sali mahule, sudawaone nkale lonse?" Tidatuluka mumsikamo osalankhulananso mpaka tidakafika kunyumba. Kucha kwa tsiku Lolemba, ndidadzuka kupita kubafa. Amene adandikonzera mtenthandevu adali mtsikana 15 wantchito. Enifa adali gone pa bedi. Adakwiyiratu. Nditatha kumwa mtenthandevu ndidamulawira Enifa, koma iye sadayankhe. Ndiddatuluka kukakwera galimoto kumapita kuntchito.

- Zomwe Enifa, mkazi wanga, adachita tsiku limeneli ndidazunzika moyo wanga. Enifa adandiyimbira telefoni yondiuza kuti kunyumba kwanga wachokako. Ndidiamuona akukwera basi yopita ku Zomba, ndidaona ngati moyo wanga ukufuna kutuluka m'chifuwa mwanga. 20 Ndidakwera basi yopita ku Ndirande komwe ndinkakhala naye m'chinyumba chathu chachikulu, kuti ndikaone Annie, Nita ndi Nenani. Nditatsika basi ku Ndirandeko ndidayenda mofulumira kupita kunyumba. Nditalowa, Annie ndi abale ake aja sadadziwe kuti ndafika. Nthawi imeneyi ndidapeza ana angawo akukanganirana phala la mu poto. Ndidiampa chisoni chachikulu pamene ndidamuona Nenani akuthamangira pambuyo kuti mwina akadapezako kangachepe kuchokera 25 m'poto muja.

- "Annie," ndidaitana, nkumugwira mkono mwachikondi. "Bambo," adavomera nagwetsa nkhope chifukwa cha manyazi. "Kodi mayi anu apita kuti?" Ndidafunsa. "Sindikudziwa" adayankha Annie nkhope yake ikuyang'anabe pansi. 30 "Sadakuuzeni kumene apita panthawi imene amachoka?" "Ayi. Sadatiuze. Sadatiwarenso. Nthawi yomwe mayi amatuluka pakhomopa nkuti atanyamula katundu wina. Nenani adalira kuti apitire limodzi, koma iwo anangoti sachedwa, akupita kuchipatala kukabayitsa jekeseni," adafotokoza Annie ngati munthu wamkulu. Misozi idatuluka. Ndiddaponya maso pamwamba pa kabati. Ndidaona kapepala katatsamiridwa 35 ndi chipeso. Ndiddanyamula kapepalako. Panalembewapo mawu pang'ono.

- 40 "... Ndaona kuti iwe Kanthumbo, sudzandikhulupiriranso monga mkazi wako. Ndapita mbali ya Zomba kukakhala ndi amene aja udandipeza nawo aja, amene aja unkati sadayenera kukhala apongozi anga. Ndaona kuti zoonadi zenizeni tsopano zichitike. Ndimakana mwamuna kundizunguza mutu ngati dziko lonse lino mwamuna ndi mmodzi. Ndiddangofuna kukhala nawe kwa nthawi yochepa kuti ndione kupusa kwako..."

Ndidalephera kuitiriza kuwerenga chifukwa misozi idatsika m'maso mwanga, ndidakaponya pansi kapepalako. Ndidadmulawira msungwana wantchito uja nkumulangiza kuti asamale ana aja n'kuwauza kuti ndibwera tsiku linalo. Nditafika ku Zomba ndidayenda m'sitolo, malo onse ogulitsira mowa, odyera, koma Enifa sindidamuone.

45 M'mawa wa tsiku linalo ndidapita kumsika. Ndidalowa mumsikamo, kwina ndikuponyaponya maso ngati ndikadaona nkhopo ya Enifa. Ndidadgula nthochi nkukhala pansi kuti ndiyambe kudya. Nditangosenda nthochi imodzi kuti ndidziika mkamwa ndidaona nkhopo ina yofanana ndi Enifa atanyamula basiketi kudzanja ndipo pambalipa pali munthu wamwamuna nkhopo yake ngati yomwe ya munthu wa kumsika ankati apongozi kunena mkazi wanga, Enifa.

50 Sindidakhulupirire zomwe ndidaonazo.

55 Atatuluka panja ine ndinali pambuyo pavo. Nthawi imeneyi basiketi atanyamulizana mpaka adafika pamalo pamene padayima galimoto ya mtundu wa *Peugeot*. Mkulu uja ndi Enifa adalowa m'galimotolo nakhala mpando wakutsogolo. Sadatseke chitseko msanga. Enifa adawerama namupsopsona mkulu uja. Pamenepo, ndidamva kena kake ngati kakuyendayenda m'mutu mwanga. Ndidaona ngati ndidachita chizungulire. M'maso mwanga mudachita mdima. Sindidziwa momwe ndidayendera kuti ndikapezeke ndili pagalimotopo.

Nixon Mindano, *Chakondawini Mlekere*

- “Njovu zikamamenyana umavulala ndi udzu.” Tsimikizani mawuwa malinga ndi zomwe zikuchitika munkhaniyi.
- Fotokozani luso limene mlembi wagwiritsira ntchito kuti owerenga athe kutsatira nkhanayi mosavuta.
- Fotokozani momwe mlembi wagwiritsira ntchito malo amene akuchikitikira nkhanayi ndi zotsatira zake pankhaniyi.

2.

### **Misozi Ya Chumba**

Zitsime za misozi nzosaphwa m'masomu.

Nkhawa yazendewera moyo wanga.

Mtendere wandithawa ngati chithunzi mumdimu.

Tulo sintidziwa

5 Maganizo oganga mutu nawo ngosandithera.

Ndavutika mnzanune.

Ndazunzika ine

Usiku ndi usana ndikhalira kufwenthura nkusisima.

Masowa ngachifirireni ngati utchazo.

10 Komwe akuchita amunangaku sikumenya.

Mkati mwa usiku, anthu ali mkafe

Amatulukira ali dzandidzandi.

Koma akayamba kundiyoyolera mawu achinyozo

Ndimachita kukhala ngati ndayabwidwa n'chitedze.

15 Anzanga ndidalakwanji ine?

Mayina ondipatsa ngamayereyere.

Ena anditcha chumba mwinanso chimbwira

Anzawo nati ndine chidangoyera

Kundiseka chifukwa cha kuuma kwanga.

20 Abale sindidapemphe chilemachi.

Nsalautu yalekaleka nane ndimayifuna

Koti ndidzikatuma kumsika ndimakakhumba.

Nanga chondisekera kupunduka nchiyani?

Mwanditha nzeru anthu inu.

25 Mwandiumitsa thupi ndi nkhanza zanu.

Pondinyodola kumadzi,

Pondijeda kumtondo

Musamayiwale kuti nanenso ndine munthu.

Mukamandiseka kumphambano,

30 Nkumandilalatira ku gule,

Muzikumbuka kuti adandilenga choncho Chauta.

Benedicto Wokomaatani Malunga, *Kuimba Kwa Mlakatuli* (1990)

- Fotokozani momwe mlembi akugwiritsira ntchito mawu pofuna kuti ndakatuloyi ikhale yozama komanso yothyakuka bwino.
- Ndakatuloyi ikutiwunikira mavuto amene amadza kamba ka miyambo kapena zikhulupiriro zimene zimakhalapo pakati pa anthu. Perekani maganizo anu pamfundoyi.
- Fotokozani za amene akuyankhula mu ndakatuloyi ndi uthenga wome akupereka.